



## **SeyCCAT i annan plezir pour anons son trwazyenm lapel pour finansman proze anba fon 'Blue Grants' (BGF): 2 Avril 2019**

Sit Web: [www.seyccat.org](http://www.seyccat.org)


Email: [info@seyccat.org](mailto:info@seyccat.org)

Nimero telefonn: 432 5806

SeyCCAT i anons son trwazyenm lapel pour finansman anba fon 'Blue Grants' e i envit ou pour form parti sa solisyon!

Sa fwasi, SeyCCAT pe rod proze ki an liny avek nenport ant sa senk lobzektif stratezik.

- **Lobzektif Stratezik 1:** Siport bann landrwa aktyel e nouvo kin gannyen dezinyen konman bann rezyon lakot e maren ki anba proteksyon lanvironnman e ki osi nonmen koman bann 'zone' ki merit ganny servi dan en fason soutenab'.
- **Lobzektif Stratezik 2:** Ekip sekter lapes avek bann zouti siyantifik ek konesans pour amelyor zot goudenans, soutenabilite, valer, ek opsyon ki zot ofer konsomater.
- **Lobzektif Stratezik 3:** Promot reabilitasyon bann labita ek lekosistenm maren ek rezyon lakot kin ganny degrade par bann lenpak lokal ek global.
- **Lobzektif Stratezik 4:** Develop e enplimant bann mezir pour redwir bann risk ek bann plan pou rezilyans sosyal pour nou kapab adapte avek sanzman klima.
- **Lobzektif Stratezik 5:** Fer bann lesey e nourir bann model biznes ki apropiye pour asir devlopman soutenab lekonomi ble dan Sesel.



*Note: Bann proze endividyel i merit met lanfаз lo zis enn sa bann lobzektif stratezik kin ganny mansyonnen anler.*

**SeyCCAT i ekspekte donn plis ki 10 'grants' atraver sa enn lapel ki an tou i vo apepre US\$ 700,000 / SCR 9.5M.**

## **SeyCCAT**

SEYCHELLES' CONSERVATION AND CLIMATE ADAPTATION TRUST  
Oceangate House, Room 109, Flamboyant Avenue, Victoria, Mahe, Seychelles.  
[www.seyccat.org](http://www.seyccat.org) // [info@seyccat.org](mailto:info@seyccat.org) // +248 432 5806



**Premye Lobzektif Stratezik:** Ki manyer Sesel i kapab delivre lo son bann komitman pour ogmant proteksyon maren e osi asir zestyon ki aktif e ki en sikse? Enn bann manda SeyCCAT se pou delivre lo sa defi kle. Pou sa enn lobzektif SeyCCAT pou donn finansman bann proze ki siport bann nouvo ek bann landrwa aktyel ki anba proteksyon maren, bann ki ganny klasifye strikteman konman bann rezerv natirel e osi bann ki tonm anba kategori Zone 2 dan MSP: Zone Biodiversite Mwayen ek litalizasyon soutenab (verifye Bwat A).

**Bwat A: Polisi Sesel pou bann rezyon anba proteksyon (2013):**

*'Pou annan en sistenm pour bann landrwa anba proteksyon lanvironnman lo later ek dan lanmer ki protez e konserv bann lespes ekolojik ot lakilite, ki bann reprezantasyon tipik diversite natirel e leritaz kiltirel Sesel e ki ofer bokou loportine pour partaz dan en fason ekitab bann benefis ki ou kapab gannyen atraver litalizasyon soutenab sa bann resours'. Deskripsyon pour sa kategori: Rezyon ki strikteman bann rezerv natirel (IUCN 1a), Rezerv ekolojik (IV), Park Nasyonal (II), Siperfisi lo later ek dan lanmer ki anba proteksyon (V), landrwa ki pou litalizasyon soutenab(VI).*

**Bann ki ganny retire dan Linisyativ MSP pour Sesel:** Bann MSP 'Zoning Framework' (2017):

**Bann rezyon anba proteksyon ki annan bokou biodiversite:** konserv e protez bann landrwa kle e ki ganny konsidere konman priorite dan Sesel pou proteksyon maren e biodiverste dan rezyon lakot. Sa bann landrwa in ganny dedye pour bann labita ek bann lespes ki kapab rar, an danze disparisyon, inik, oubyen ki son popilasyon pa tro disperse . Sa bann rezyon i enkli bann landrwa kot bann lespes i peple, i ne ouswa eklo, kot zot rod manze, ki annan bann lespes ou swa labita ki frazil, e bann ki annan signifkans enternasyonal. Ler sa bann rezyon i zwenn ansanm, zot donn proteksyon lonterm bann labita ek lespes, e zot signifkaman gran pour asir rezilyans ekolojik e adaptasyon avek sanzman klima. Sa kategori pour sa enn rezyon i pa konvenab pour lekstraksyon oubyen okenn aktivite ki pour afekte fon lanmer.

**Bann rezyon ki mwayen dan proteksyon biodiversite e osi bann rezyon kin ganny dedye pour litalizasyon soutenab** i sipoze konserv bann landrwa ki konvenab pou ganny konsidere mwayen lo nivo proteksyon biodiversite e ki osi konpatib avek litalizasyon soutenab. Sa bann rezyon i enkli bann lespes ek labita ki annan serten tolerans avek lefe bann aktivite imen. Sa bann rezyon i osi enkli bann landrwa ki signifikan lo en baz nasyonal ek rezyonnaal. 'Zone' anba sa kategori i konvenab pour en serten nivo lekstraksyon e alterasyon dan fon lanmer, avek zesyon ek direksyon ki apropiye, depandan lo lobzektif kin ganny atase avek sak rezyon.

Nou bi se pour devlop bann program stratezik pou nou bann resours pour nou anmenn bann pli bon lenformasyon ekolojik, ekonomik e sosyo-kiltirel dan nou Plan Lizaz pour Lanmer Sesel (SMSP), an partikilye pou siport bann desizyon, plan zestyon, e devlopman kapasite. Nou bann resours i kapab ganny redirize pou asiste SMSP e lezot linisyativ resers pour nou plan zestyon, bezwen kapasiter ek bann mankman, e osi bann aktivite operasyonnel. Nou ekspekte ki bann proze pou met lanfaz lo bann rezyon ki o e osi mwayen dan biodiversite, e nou osi rekonnnet ki serten proze i kapab aplikab pour plizyer rezyon/zone (enkli bann ki aktyelman anba proteksyon lavironnman) oubyen bann rezyon ki pour ganny propose pour sa dan le fitir, vi ki SMP pou ganny finalize an 2020.

Pour sa enn lapel pou proze, **nou pou siport zis proze ki:**

- ⊕ Kontribye atraver resers pou drafte bann plan zestyon pou bann landrwa ki anba proteksyon maren.
- ⊕ Ede anmas lenformasyon pou fasilite bann plan zestyon pour bann landrwa ki an priorite pour proteksyon lanvironnman (vwar Bwat A).

**SeyCCAT**

SEYCHELLES' CONSERVATION AND CLIMATE ADAPTATION TRUST  
Oceangate House, Room 109, Flamboyant Avenue, Victoria, Mahe, Seychelles.  
www.seyccat.org // info@seyccat.org // +248 432 5806



- ⊕ Kontribye pou enplimant bann plan zestyon ki aktyel e osi bann ki pou ganny propose dan le fitir e.g. pour bann proze Zil Elwanye kip e ganny zere par Gouvernman-UNDP-GEF.
- ⊕ Kontribye pou devlop bann lendikasyon (biolojik, ekolojik, e sosyo ekonomi) pou bann plan zestyon e pou evalye efikasite bann landrwa ki anba proteksyon maren.
- ⊕ Kontribye pou amelyor bann prosedir fer desizyon, bann mezir zestyon e rekolt pour domenn lapas ki aktyelman mank bon lenformasyon.
- ⊕ Kontribye e amelyor kapasite bann lazans ki protez bann landrwa anba proteksyon lanvironnman, e osi pou amelyor efikasite o nivo zestyon.

**Dezyenm Lobzektif Stratezik:** Ki manyer Sesel i kapab kontinyen lapés dan fitir, asir sekirite alimenter lo en nivo nasyonal, e servi son plan zesyon maren (MSP) pour konserv son biodiversite maren ki inik, e osi mentenir metye bann peser lokal? Bann lenvestisman atraver fon SeyCCAT in ganny dedye pou delivre lo sa defi kle. Pour sa enn lobzektif, nou annan lentansyon pou siport proze ki annan lyen avek lapés artizanal, lapés demi-endistriyel, ‘aquaculture’, lapés pour sport oubyen rezon rekreatyonel, e l osi enkli zot relasyon avek sa Plan Zestyon Lapés lo Plato Mae pour bann lespes ki viv dan fon lanmer, prosedir Plan Zestyon Lanmer (MSP) e sa Plan Zestyon pour Mariculture .

**Bwat B: Lenplimantasyon plan zestyon pou lapés lo Plato Mae (2015), e sa tranzisyon anver en sekter lapés kot i annan bokou plis kontrol:** Pwason i annan lenportans fondamantal pour byennet sosyal ek ekonomik bann zabitan Sesel. I annan bokou konsern lo lakantite pwason dan nou lanmer ki pe diminyen dan bann landrwa ki ti kle pour lapés, ki pe met presyon ekonomik lo bann zefor pour lapés komersyal. Bann peser, bann ki dan biznes ‘processing’, siyantis ek bann ki o plase dan sekter lapés in fer pase zot konsern lo leta sa resours e zot in forseman fer lapel pour bann lentervansyon pou asir soutenable sa resours lo en baz lonterm.

**Zestyon an partenarya** i en laranzman ant gouvènmant ek lakominote, enkli bann ki servi resours ek bann ki annan lentere dan sa bann resours, pour ki zot ava kapab partaz responsabilite ek drwa pour zestyon resours. Zestyon resours i vin en responsabilite ki ganny partaze ant bann ki annan lentere, pour ki sa responsabilite i kapab ganny negosye e partaz.

**Mariculture** i devlopman bann laferm pour bann lorganizm delo sale oubyen delo dou, anba bann kondisyon kontrole, ki enkli kwazman, elevaz, e rekolt pour bann plant ek zannimo delo sale. Dan Sesel, prosedir zestyon pour mariculture i dekri devlopman stratezik pour devlopman sa lendistri atraver diferan rezyon/‘zone’, notaman: bann ‘zone’ lo later; bann ‘zone’ lo lanmer ki pre avek lakot; bann ‘zone’ kin ganny dedye pour devlopman aquaculture; e bann ‘zone’ dan lanmer ki lwen avek lakot.

Pour sa enn lapel pou proze, **nou pou siport zis proze ki:**

- ⊕ Siport bann lasosyasyon lapés ek bann lasosyasyon ki anvi promot e angaz dan bann partenarya pour ankouraz zestyon baze lo dwa lapés, ki enkli sirveyans partisipatwar (Bwat B).
- ⊕ Devlop bann pratik tourizim ki ot kalite, ki annan lyen avek bann kanpanya lapés ek bann aktivite pou determin limit lo groser, kantite sak rekolt par zour, e polisi pour lapés pwason (sezon pour lapés), e osi soutenable bann lespes maren ki ganny kwi, ki enkli rekonmandasyon pour swa pwason antye swa file.
- ⊕ Drafte, e teste nouvo zouti ek teknolozi pou sirveyans partisipatwar, lesanz lenformasyon e akse lo marse (e.g. bann laplikasyon pou dokimant bann lespes ki pe ganny lapés e osi pou tras sa bann aktivite).
- ⊕ Fer bann konsonmater vin pli okouran lo bann mezir lapés soutenab atraver bann mwayen tradisyonel e osi rezo sosyal.
- ⊕ Siport amelyorasyon dan formasyon e devlopman nou mark soutenab pour bann fridmer.

**SeyCCAT**

SEYCHELLES' CONSERVATION AND CLIMATE ADAPTATION TRUST  
Oceangate House, Room 109, Flamboyant Avenue, Victoria, Mahe, Seychelles.  
www.seyccat.org // info@seyccat.org // +248 432 5806



**Trwazyenm Lobzektif Stratezik:** Ki manyer Sesel i kapab asire ki degradasyon bann labita ek lekosistenm maren ek rezyon lakot i pas atraver rehabilitasyon? Kantmenm sa i relye bokou avek Lobzektif Stratezik nimer 4 (risk ek nou vilnerabilite avek sanzman klima), sa enn lobzektif i met plis lanfaz lo fer sir ki bann fonksyon ekolojik enportan i ganny rekonnèt, i ganny stabilize e ganny ranforsi. Nou rekonnèt lenportans sa bann labita ek lespes maren avek zot bann lekosistenm pour bann aktivite sosyo-kiltirel ek ekonomik, e osi zot abilite pou anmenn bann servis pour sofgard bann zil Sesel ek son zabitan kont lefe bann sanzman lokal ek global.

Nou rekonnèt posibilite rehabilitasyon pour bann lekosistenm ek labita maren ek rezyon lakot, parey bann koray, 'mudflats' ek mangliye, zerb ki pous dan fon lanmer, 'zone' imid, lans, e osi Plato Mae ek son lanvironnman. Nou konpran ki serten proze i bezwen bann aksyon lokal ki spesifik e ki serten i bezwen devlop zot kapasite pou kapab ganny devlope lo en pli gro lanpler (e.g. restorasyon bann koray). Nou idantifye bann lespes kle ek bann fonksyon divers konman bann eleman ki kapab ganny entegre dan bann proze rehabilitasyon. Nou kwar ki sa Plan Daksyon Stratezik pour Biodiversite Nasyonal ek sa Plan Daksyon pour Teknolozi pour bann sekter rezyon lakot i anmenn en serten baz pour diriz distribisyon nou resours, e nou envit bann partenarya avek sekter tourizm pou ede devlop nou resours.

Nou pou investir dan bann proze ki viz ver amelyorasyon bann labita ek lekosistenm maren ek rezyon lakot, pou siport bann linisyativ ki esey idantifye e propaz bann lespes ki rezilyan avek sanzman klima, e ki pou siport nouvo resers ki esey devlop nou konprenezon lo fonskyon bann rol nou bann lespes ek biodiveriste dan bann labita ek lekosistenm ki an bonn sante e osi bann kin degrade.

Pour sa enn lapel pou proze, **nou pou siport zis proze ki:**

- ⊕ Pour rehabilitasyon bann lespes maren ek lekosistenm, e osi bann dan rezyon lakot, ki annan lenportans nasyonal (e.g. parey bann ki ganny nonmen dan NBSAP (2014)).
- ⊕ Devlop bann konesans pour ede konpran bann rol ki serten bann lespes kle i zve dan formasyon zot lanvironnman (e.g. bann erbivor ek bann predater).
- ⊕ Enplimant bann solisyon natirel ki pou ed bann lekosistenm pour mentenir e amelyor zot bann servis ek prodwir.
- ⊕ Siporte pour retir bann lespes maren anvaisan kin ganny entrodwir ek bann lespes dan rezon lakot ki poz danze pou bann lespes natif.

**SeyCCAT**

SEYCHELLES' CONSERVATION AND CLIMATE ADAPTATION TRUST  
Oceangate House, Room 109, Flamboyant Avenue, Victoria, Mahe, Seychelles.  
www.seyccat.org // info@seyccat.org // +248 432 5806



**Katriyenm Lobzektif Stratezik:** Ki manyer Sesel i kapab siport bann kominote, piblik an zeneral ek bann biznes pou devlop konesans e repons apropriye, e osi pou fer fas avek bann defi ki relye avek sanzman klima. Nou pou program nou resours pour siport bann proze ki idantifye, konpran e reakte avek bann risk ek vilnerabilite klimatik. Nou rekonnet ki Sesel i limite lo preparasyon pour lalit kont sanzman klima e ki bann remed pankor byen ganny entegre dan bann sistenm ek prosedir lokal.

Nou rekonnet Stratezi Nasyonal pour Sanzman Klima (2009), bann Premye 'Nationally Determined Contribution' (INDC, 2015), ek sa Plan Daksyon pour bann sektor rezyon lakot. Sesel i annan bokou vilnerabilite ki relye avek son leta konman en pti group zil, mankman diversite dan son bann resours natirel, vilnerabilite avek bann dezans natirel, depandans eksektiv lo lenportasyon e en baz ekonomik limite, kou eleve pour transportasyon ek kominikasyon, mankman teknolozi, e osi son pti marse lokal. Nou konpran ki sa bann vilnerabilite i manifeste dan plizyer fason, e SeyCCAT dan sa enn sikonstans i pli entereze avek lenpak potansyel lo servis lekosistenm bann resours maren ek rezyon lakot, lenfrastruktir, aktivite touristik obor lakot oubyen dan bann landrwa ki vilnerab avek linondasyon ek lavalas, e osi sekirite alimanter.

Nou pou investir dan varyete proze ki esey amelyor konesans ek kapasite pou devlop kapasite rezilyans ek adaptif Seselwa. Nou pou sofgard nou bann lenvestisman par ankouraz bann konesans ek aksyon ki adres sanzman klima, pou ganny devlope, partaze e servi par bann ki pe travay an liny avek nou kat priorite stratezik: MPAs, lapas soutenab, rehabilitasyon lekosistenm, ek bann proze lekonomi ble.

Pour sa enn lapel pou proze, **nou pou siport zis proze ki:**

- ⊕ Siport bann pti biznes, partikilyerman bann letablisman lokal pour tourizm, pour angaz bann linisyativ ki konsern plizyer sektor (parey bann ki konekte prodiksyon alimanter lokal avek konsonpsyon soutenab).
- ⊕ Eksplor e servi lasyans ek enovasyon teknolojik pou anmenn plis rezilyans ek sipor kont sanzman klima (pour minimiz lenpak sanzman klima lo byennet lokal ek biznes lokal) ki enkli 1) agrandi konprenezon; 2) enplimant bann mezir adaptasyon apropriye; 3) etabli bann sirveyans lonterm.
- ⊕ Devlop abilite Sesel pour asir akse avek sours finansman global an liny avek sanzman klima.
- ⊕ Etidye bann lenpak potansyel ki sanzman klima i kapab annan lo bann lekosistenm enkli ki zot prodwir ek servis (e.g. prodiksyon lapas), e fer rekonmandasyon lo ki manyer bann lenpak negativ i kapab ganny adrese pour sofgard soutenabilite.

## SeyCCAT

SEYCHELLES' CONSERVATION AND CLIMATE ADAPTATION TRUST  
Oceangate House, Room 109, Flamboyant Avenue, Victoria, Mahe, Seychelles.  
www.seyccat.org // info@seyccat.org // +248 432 5806



**Senkyenm Lobzektif Stratezik:** Ki manyer Sesel i kapab akonpli son bi pour Lekonomi Ble “pour diversifye lekonomi, kre metye ki annan bokou valer, asir sekirite alimanter, e zere e protez son lanvironnman maren dan en fason soutenab”? Nou kwar ki progresyon anver en lekonomi ble soutenab pou reste limite si nou pa devlop bann proze lenvestisman responsab.

**Bwat C: Plan Daksyon ou ‘Roadmap’ pour Lekonomi Ble Sesel (2018)<sup>1</sup>** i en lapros entegre anver devlopman soutenab ki relye avek nou lanmer ki anmenn lekonomi, lanvironnman ek lasosyete ansanm. Vizyon lekonomi Ble se “ pour devlop nou lekonomi ble konman en fason pour realiz potansyel nou devlopman nasyonal atraver inovasyon, en lapros anbide dan konesans, an prenan kont nesesite ppur konserv lentegrite lanvironnman maren e leritaz sesel pour nou bann zenrasyon aktyel ek osi bann dan fitir”.

I ganny enplimante otour 4 pilye kle: 1. Diversite ekonomik ek rezilyans; 2. Lapartaz prosperite – Kreasyon bann metye ki annan bokou valer ek loportinite pour bann lenvestisman lokal; 3. Sekirite alimanter ek byennet; ek, 4. Lentegrite bann labita ek servis lekosistenm, lilitizasyon soutenab, e rezilyans klimatik.

Nou bi pour sa lobzektif stratezik se pour ede kree, devlop e siport bann lantrepriz ki kapab kaptir oubyen kree dan en fason soutenab bann valer ki Sesel i plase lo son losean ek son bann zil dan domenn: tourizm/lwazir; manze/nitrisyon/lasante; labita/servis lekosistenm; lenerzi renouvlab; ek sirveyans lanvironnman.

Nou stratezi se pour rod bann laplikasyon ki sorti kot bann antreprenner, lorganizasyon ek biznes ki annan bann linisyativ pour zot devlopman ek progresyon. Nou osi envit bann laplikasyon kot bann lorganizasyon ki pa fer profi, ki siport sa lobzektif. Nou fon ‘Blue Grants’ i kapab par egzanp, ganny servi pour devlop bann nouvo model biznes ki an liny avek prensip lekonomi ble, pour fer bann analiz lo bann marse, pour teste fizibilite bann propozisyon, oubyen pou siport bann proze edikasyonel ek enformatik ki pou amelyor akse avek e nou transformasyon anver en lekonomi ble. Nou bann fon ‘blue grants’ pou osi anmenn loportinite pou nou prepar pour proze ‘loan’ pour fon lenvestisman Ble (DBS) ek lezot form finansman.

Nou anvi siport bann model biznes ek lantrepriz ki kapab demontre bann retour ou benefis sosyal, ekonomik ek lanvironnman. Nou bi la se pou sanz lafason ki biznes i ganny deroule e pou valoriz bann propozisyon ki kapab demontre bann pratik responsab dan biznes e kot i posib devlop bann prensip sirkiler.

Pour sa enn lapel pou proze, **nou pou siport zis proze ki:**

- ⊕ Demontre inovasyon dan lekonomi ble – par egzanp dan biznes soutenab dan sekter lapes (apre rekolt), tourizm soutenab, lenerzi renouvlab, bann servis lanvironnman, zestyon bann salte delo sale (vwar Bwat C)
- ⊕ Amelyor lapes – apre rekolt/valer azoute ek bann loportinite pour devlop marse lokal.
- ⊕ Devlop kapasite (formasyon, resers ek devlopman) pou prepar, e egzekit bann model biznes ki an liny avek prensip soutenabilite (e.g. laplikasyon pour loan avek DBS atraver sa bann fon ‘ble’ pour lenvestisman).

<sup>1</sup><https://goo.gl/Ct8jjN>

- ⊕ Siport bann pti, e mwayen lanrepriz (MSMEs) ek bann pti lenvestiser lokal pou devlop e akse loportinite ki annan lyen avek sa Plan pour aquaculture (devlopman biznes andeor lakot e osi lo later).



## Fer laplikasyon pour akse bann finansman atraver fon 'Blue Grants' avek SeyCCAT la konmela:

Nou donn finansman bann proze ki fer keksoz bouze. Nou bann lenvestisman i aksesib konman bann pti fon/grants ki ganny pandan en peryod 1 an (SCR 100,000), bann 'grants' mwayen ki ganny donnen pandan en peryod de zan (SCR 100,000 - SCR 1M), e bann pli gro fon/grants ki osi ganny donnen pour en peryod 2 zan (SCR 1M).

Nou aksepte bann laplikasyon ki sorti kot bann NGO ek CBO endividuel kin anrezistre lokalman (ek zot bann kolaborasyon), ki enkli bann lorganizasyon biznes, lorganizasyon parastatal, ek bann lazans gouvènmantal. Nou osi aksepte laplikasyon ki sorti kot bann endividi ki sitwayen Seselwa. Nou ensiste pour ki bann ki pe ansarz proze i legalman an egzistans e ki zot in opere dan Sesel pour omwen 1 an.

Nou kwar ki bann solisyon pour bann defi konplike pa kapab ganny adrese par en lorganizasyon ki pe travay tousel. Nou rekonnet ki Sesel i fer fas avek bokou defi ki par lao okenn endividi, piblik, NGO/CSO oubyen kapabilite bann lorganizasyon prive. Nou bi se pou nou bann lenvestisman ganny dirize anver bann proze ki pe ganny antreprann an partenarya, ki melanz kapasite, konesans ek lekspertiz. Si ou ek ou bann partener ki aktiv dan konservasyon maren ek rezyon lakot, resers ek zestyon bann landrwa ki anba proteksyon lanvironnman, lasyans lapes, devlopman oubyen zestyon, adaptasyon klimatik, langazman kominoter, lasante piblik, teknolozi, planifikasyon biznes, devlopman biznes, lapse sosyo ekonomik, sipor pour bann polisi, polisi, ledikasyon, formasyon, oubyen sansibilizasyon, nou anvi ou apros nou....

Bann proze pour ganny evalye par SeyCCAT baze lo sa bann kriter tel ki:

- Eksi sa problem ki sa proze pou adrese in ganny klerman idantifye?
- Eski sa proze i realistik e eski bann lenpak ek rezilta kin ganny antisipe i kapab materyalize?
- Eski i annan potansyel pour ganny kopye ou devlope lo en pli gran lanpler?
- Eksi sa proze i annan sa eleman partenarya?
- Eksi sa proze in ganny drafte pou sofgard kont bann lenpak lo lanvironnman e sosyete?
- Eksi sa proze i konpatib avek plan zestyon lapes pour Plato Mae, Plan pour Mariculture, 'Roadmap' lekonomi Ble, oubyen linitiativ MSP?

*Note, avanler ou anmenn ou proze fer sir ki i pe adres zis enn ant sa senk lobzektif stratezik. Pour sa enn lapel pou proze, ou kapab fer plis ki en laplikasyon, me zis en proze par aplikan (aplikan ki pe ansarz proze) ki pou ganny finansman. Vedir ki ou kapab vin en partener dan lezot proze, me ou pa kapab ansarz plis ki en proze kin ganny finansman.*

### Timeline:

- Staz I (pti, mwayen e gro proze) laplikasyon fodre in ganny anmennen pa pli tar ki **15 Me 2019** – 5 er apremidi ler Sesel.
- Bann mwayen ek gro proze kin reisi pas staz 1 pour ganny envite pou fer laplikasyon pou Staz II pa pli tar ki **16 Out 2019** – 5 er apremidi ler Sesel.

## SeyCCAT

SEYCHELLES' CONSERVATION AND CLIMATE ADAPTATION TRUST  
Oceangate House, Room 109, Flamboyant Avenue, Victoria, Mahe, Seychelles.  
www.seyccat.org // info@seyccat.org // +248 432 5806



Al lo nou sit web ([www.seyccat.org](http://www.seyccat.org)) pour ganny gidans lo laplikasyon pour fon 'Blue Grants', pour ganny format pour devlop zot nide e proze, e pou ganny osi lezot lenformasyon relevan – oubyen anvoy en mesaz kot [info@seyccat.org](mailto:info@seyccat.org) pour demann plis lenformasyon, oubyen telefonn nou lo: 432 5806.

Nou pe espere pou ganny ou laplikasyon.